

23. november 2009 angallanneq pillugu isumasioqatigiinnermit imaqarniliaq

- 1) Borgmester Simon Simonsen tikilluaqquvoq
- 2) Kujataani attaveqaatit kiisalu sullissinissamik isumaqatigiissutigineqartussat pillugit ilisimatitsineq. Jens B. Frederiksenip saqqummiinera oqaloqatigineqarneralu
- 3) Kommune Kujallermi attaveqaatit
v./Inuussutissarsiornermut Ataatsimiititaliap siulittaasua Kalistat Lund
- 4) Angallannermut Ataatsimiititaliap sulinera pillugu ilisimatitsineq
v. Angallannermut Ataatsimiititaliap siulittaasua Kaj Egede
- 5) AIR Greenlandip imarpik qulaallugu angallannermik allanngortitsinera
v. / Bent Hansen, Kristian Kjeldsen aammalu Udo Glasshoff, Air Greenland
- 6) 2010-imi angalanissanik pilersaarutit nutaat pillugit ilisimatitsineq
v. /Umiarsualiviup pisortaa Efraim Titussen, RAL
- 7) Kujataani angallanneq soqutiginnitserpassuaqarpoq
v. Jan Kjær aamma Grethe Nielsen, Kommune Kujallermi angallannermut allattoqarfik
- 8) Kujataani angallannermut inuussutissarsiortuniit kissaatit
v./ inuussutissarsiutinik oqallittarfiit siulittaasui Jim Riis aamma Ib Laursen
- 9) Takornariartitsisartut Kujataani angallanneq pillugu kissaataat
v. /Pitsi Høegh, Greenland Sagalands
- 10) Nunaqarfinniit Kujataani angallannermut kissaatit
v/ Lars Boassen
- 11) 2010-2022 Kommunimut pilersaarut pillugu oqallissaarutini kommunimiit angallannermut siunnersuutit
v./Titartaasartoq Birger Kristoffersen, Kommune Kujalleq
- 12) Kujataani angallannermut uuttuusiorneq.
v./ Angallannermut siunnersorti Jesper Nordskilde, COWI A/S
- 13) Angallanneq pillugu Isumasioqatigiinnermiit eqikkaaneq ataatsimoorlunilu oqaaseqaat

1) Borgmester Simon Simonsen tikilluaqqusivoq

Borgmesterip tikilluaqqusilluni erseqqissarpaa angallanneq pillugu isumasioqatigiinnermi tamatumani angallannermut attuumassuteqartut pingaernerit tamakkerlutik peqataanerat pingaaruteqaqimmat –

Namminersorlutik Oqartussat – nuna tamakkerlugu angallassissut – kujataani angallannermik ingerlatsisut – inuussutissarsiortut aammalu qinikkat kiisalu atorfilittat

Borgmesterip oqaluttuarai Kujataani angallannermi ajornartorsiutaasut – akit qaffakkiartortut, timmisartut, qulimiguullit umiarsuillu angalaneri ataqatigiissaarneqanngitsut, annertusaanermut aserfallatsaaliinermullu aningaasaliinerit amigartut kiisalu unammilleqatigiinnermi atukkat pitsaanngitsut.

Borgmesterittaaq oqaatigaa siunissami angallannerup ilusilersugaanerani Kommune Kujalleq peqataarusummat, soorlu sullissinnermut kiffartuussinerit akisussaaffigilersinnaallugit. Borgmesterip Air Greenland erseqqissumik kajumissaarpaa imarpik qulaallugu timmisartuussineq attatiinnaqqullugu kiisalu Kujataamiut akikitsunik neqerooruteqarfigisaqqullugit kiisalu avannaanuinnaanerusoq ullumikkut tunngatinneqartaraluartunik iliuuseqartaqqullugu.

2) Kujataani attaveqaatit kiisalu sullissinissamik isumaqatigiissutigineqartussat pillugit ilisimatitsineq v/ Jens B. Frederiksen

Borgmesterip tikilluaqqusineranut naatsumik qujassuteqareerluni Naalakkersuisup Jens B. Frederiksenip nunatsinni angallannerup tamarmi iluseriligassaanik, aamma aningaasalersuinnermut periarfissat pillugit, siunnersuuteqartussamik Naalakkersuisut Assartuinnermut Isumalioqatigiissitaliornerat nassuiarpaa.

Sulinermi piffissaliusseq tassaavoq siunnersuut juli 2010-imi saqqummiunneqareersimassammat 1/1 2011-imi atuutilerussanik angallanneq pillugu sullissinnermi isumaqatigiissusiornissaq siunertaralugu. Assartuinnermut Isumalioqatigiissitat sulinera www.trafikkommissionen.gl-imi malinnaaffigineqarsinnaavoq. Jens B. Frederiksenip kommunit soqutiginnittullu kajumissaarpai kissaatiminnik Angallanneq pillugu Ataatsimiititaliamut nassiusaqaqqullugit.

Jens B Frederiksenip aammattaaq angallannermi pilersaarutit pingaarutillit ilisimatitsissutigai: Air Greenlandip Narsarsuarmit imarpik qulaallugu angallannermik allanngortitsinera kiisalu New Foundlandimut Labradorimullu attaveqalernissamik misissuinerit, RAB-ip nunaqarfiliataatinik nutaanik piniarnera (aqqaneq-marlunnik ilaasoqarsinnaasunik) kiisalu Mittarfeqarfiit Narsarsuarmit mittarfimmik iluarsaassilersaernerat (naammassineqarfissaa siuartinneqarsinnaavoq) kiisalu Kangerlussuarmit aallariartortarfimmik alliliineq.

Tamatuma kingorna oqallinnermi makku erseqqissarneqarput

- angallatit nutaat atorlugit nunaqarfinnut angalanerup pitsanngorsarneqarnissaanik kommunip pisariaqartitsinera,
- Nunatta sinnerani mittarfiliortiternerit inuiaqatigiinnit akilerneqarsimmata aammattaaq Kujataani taamaattariaqarmat
- Island silarsuup sinneranut ingerlariaqqiffittut isigineqarnerusariaqartoq
- angallannermi CO2-mik siunissami annikillisaanissaq isiginiarneqassasoq

3) Kommune Kujallermi attaveqaatit v./Inuussutissarsiornermut Ataatsimiititaliap siulittaasua Kalistat Lund

Kalistap ilisimatitsissutigaa angallanneq Inuussutissarsiornermut Ataatsimiititaliami initoqimmat, tassami angallanneq inuussutissarsiornerup ineriartornissaani tunngavissat pingaarnersaraat. Angallannerup, tassa silaannakkut, umiarsuartigut kiisalu nunaqarfinnut angallannerup ataqatigiissunngortinneqarnissaa Inuussutissarsiornermut Ataatsimiititaliamiit assorsuaq pingaartinneqarpoq.

Attaveqaatit pitsaasut suliffeqarfinnik piunnartitsinissamik nutaanillu kajungilersitsinissami pingaaruteqarluinnarput. Taamaammatt imarpik qulaallugu timmisartornerup attatiinneqarnissaa kissaatigineqarpoq kiisalu kujataani ukiuni kingullerni ajorseriaatit, akit qaffassimaneri, sinersortaatit Nanortalimmut apuuttarunnaarnerat, RAL ajorseriartitsiniarluni ilimasaarutai kiisalu Air Greenlandip ukiuunerani Kangerlussuakkoortitsisalersaarnera inuussutissarsiornermut ataatsimiititaliap assut aarlerinartoqartippai.

Kangerlussuakkoortarnerup aarlerinartua tassaavoq takornariat tikeraallu Kujataanut ingerlasarunnaarsinnaammata.

Islandimut attaveqarnerulernissaq Inuussutissarsiornermut Ataatsimiititaliamit iluarineqarpoq.

Angallannerup ataqatigiissuunissaata sullissinerup isumaqatigiissusiornermi isiginiarneqarnissaa Inuussutissarsiornermut Ataatsimiititaliamit kissaatigineqarpoq.

4) Angallannerup Ataatsimiititaliap sulinera pillugu ilisimatitsineq v. Angallannerup Ataatsimiititaliap siulittaasua Kaj Egede

Kaj Egedep angallannerup ataatsimiititaliap inuttalersugaanera sulineralu ilisimatitsissutigai. Tamatumani erseqqissarneqarpoq nunami tamarmi, pingaartumilli Kujataani, angallannerup ineriartornera angallannerumullu aningaasaliissutit ataatsigiissaaarneqarnissaat ataatsimiititaliap kissaatigimmagu kiisalu angallannerup ilusilersugaaneranut aningaasallu atorneqarnerannut kommunip akisussaaqataanerunissaa kujataamiuniit kissaatigineqarpoq.

Tamatumunnga atatillugu angallannerup siunnersortivimmik atorfinitsitsinissaq kommunip misissorpaa angallannerup tunngasut tikillugit suliarissagaanni immikkut ilisimasaqarnissap nukissaqarnissallu pisariaqassusiat tamatumuuna erseqqissarniarlugu.

Kaj Egedep siunnersuutigaa

- Grønlandskommando Narsarsuarmut nuunneqassasoq – taamaalilluni angallannikkut atukkat pitsaanerpaalissallutik
- Imakkut kabelip Narsarsuarmut ilaneqarneratigut qarasaasiatigut attaveqaatit pitsanngorsarneqarsinnaassat
- Qaqortumi Nanortalimmi Narsamilu siunissami mittarfiliortoqassasoq
- siunissami aqqusinertigut attaveqaasiortoqassasoq (ikaartaatitalinnik)
- illoqarfinni pingasuni umiarsualiviit pitsanngorsarneqassasut kiisalu
- ataatsimoorussamik containerersorfiusumik umiarsualiviliortoqassasoq

5) AIR Greenlandip imarpik qulaallugu angallanermik allannngortitsinera v. / Bent Hansen, Kristian Kjeldsen og Udo Glasshoff Air Greenland

Air Greenlandimeersut Kujataata sullinneqarnerani siunissami pilersaarutitik nassuiaateqarput. Angallannerup ilusaa pingaarneq tassaavoq:

- 2010-p aasaaneranut pilersaarutit annerusumik allannguuteqassanngitsut – angallaffiunerpaanerata nalaani sapaatit akunnerannut marloriarluni Københavnimut
- 2010-imi maj + ½junimi mittarfiup iluarsanneqarnera kiisalu DHC8 atorneqalernerat
- Ukiuunerani DK-mukartarneq Kangerlussuakkut pisassaaq sapaatit akunnerannut marloriarluni Narsarsuup kiisalu Kangerlussuup akornanni attaveqarneq aqqutigalugu
- 2011-imi aasamiit angallaffiunerpaanerani sapaatit akunnerannut ataasiarluni Narsarsuaq-København angallavigineqartassaaq.
- Aasaanerani angallavik Narsarsuaq-Keflavik, marlungornermi aallarfiusartoq arfininngornermilu uterfiusartoq ammarneqassaaq
- Boeing 757 tunineqassaaq DHC8-imillu pisisoqassalluni.

Taavalu Air Greenland akinik nutaanik aqqissuivoq kiisalu upernaakkut aasakkullu akinik immikkut ittunik suliaqarluni.

6) 2010-imi angalanissamik pilersaarutit nutaat pillugit ilisimatitsineq v/ Efraim Titussen, RAL.

Angalanermut pilersaarutit ukioq 2010-imi atuutilertussat RAL-imiit ilisimatitsissutigineqarput. Allannguutit pissutigalugit DK-miit angallassat tamarmik Nuukqoortartallissapput. Tassa naatitat (nerisassat) maanna pisarnerminniit ullunik pingasuniit sisamanut kingusinnerusukkut tikittallissapput, sanaartornermilu atortussat ullunik marlunniit pingasunut kingusinnerusumik tikittallissallutik. Nalunaarut ”iluarilluarneqanngilaq” tikiffissaat taaneqareersut paarlangasariaqaraluartutut isumaqarfigineqarmata.

Aamma nalunaarutigineqarpoq RAB (Royal Arctic Bygdeservice) massakkut angallatit anginngitsut sisamat anginerillu marluk pigisani 2011-imi nutaanik tallimanik taarsilersaarai. Angallatit taakku tallimat tamarmik 12-inik ilaasoqarsinnaassapput.

Angallatinik nutaanik taaneqartunik pisinikkut isumaqartoqarpoq ukiut 20 tikillugit atuuttussamik sullissinermut isumaqatigiissusiornissamut periarfissaqalissasoq.

7. Kujataani angallanneq soqutiginnitserpassuaqarpoq v./ Jan Kjær og Grethe Nielsen, Trafiksekretariatet Kommune Kujalleq

Angallanermut tunngasut soqutiginnitserpassuaqarnerat kiisalu Kujataani angallanermi qaangerniagassat Angallanermut allattoqarfimmiit nassuiarneqarput:

Angallanermut allattoqarfiup suliassai tassaapput:

- Angallanermut ataatsimiititaliamut allattaassalluni
- Sulianik saqqummiussisassalluni
- Angallannikkut siunnersuutit ataatsimut katersussallugit, assersuutigalugu sullissinermut isumaqatigiissutinut, angallannerup aqqissugaaneranut tunngasut.

Kujataani angallannermut tunngasut ima aaqqissugaapput.

- Angallannermut ataatsimiititaliaq Inuussutissarsiornermut Ataatsimiititaliamut Kommunalbestyrelsimullu siunnersuisartuusooq
- Inuussutissarsiornermut Ataatsimiititaliaq ataatsimiititaliaq ataavortoq angallannermut tunngasunik suliaqartuusooq
- Teknikkimut Ataatsimiititaliaq, suliassaqaqfimmi tamatumani pilersaarusiortartuusooq
- Kommunalbestyrelsi, suliassaqaqfimmi tamatumani politikkimut tunngasunik suliaqartuusooq

Angallannermut soqutigisat makkuupput:

- Innuttaasut, angallannikkut attaveqaatit pitsaasut akikitsullu
- Illoqarfiit, najukkami soqutigisat kiisalu umiarsualivinnut, mittarfinnut aqqusinernullu aningaasaliisoqarnissaanik kissaateqartut
- Nunaqarfiit, illoqarfinnut nunaqarfinnullu allanut, atuarfinnut sullissiveqarfinnullu angallanneqarnissamik pisariaqartitsisut
- Inuussutissarsiortut, eqaassuseq, aalaakaassuseq, akikitsunik pilertortumillu assartuineq, akit
- Takornariartitsisut, aasaanerani akikitsunik angalaneq
- Qinikkat, angallaneq siumukarnerup ineriartornerullu aallaavissaat, innuttaasunik sullissineq
- Angallassisartut
- Mittarfeqarfiit

Kujataani angallanneq tamaat eqqarsaatigalugu qaangerniagassat tassaapput:

- Aningaasaqarneq, kommunip kujataatalu angallannermut tunngasutigut annikitsuinnarmik sunniuteqarsinnaanerit iliuuseqarsinnaanerallu, aalajangigassarpasuit allami aalajangerneqartarput.
- Sullissinissamik isumaqatigiissutit – suliffioreeqalutik maanna unikaallapput
- Angallannermut ataatsimiititaliaq, isorliunerusut annerusumik peqataaffiginngisaat
- Imarpik qulaallugu timmisartuusineq toqqaanartoq nalorninartulik
- Angallannikkut aningaasaliinerit sullissinerillu eqqarsaatigalugit Kujataa qaangiataaginnarneqartutut misigisarpoq
- Sullissineq sorpaalussuartigut ajorseriarpoq, sinersortaait, imarpik qulaallugu timmisartuusineq, RAL allallu
- Ingerlatseqatigiiffiit ataasiakkaat isumalluutigineqarnerat
- Sullissiviit assigiinngitsut akornanni ataqatigiissaarisooqartannginnera soorlu uku akornanni: Air Greenland, Mittarfeqarfiit, RAL.

Kujataani angallannikkut pissutsit ataatsimut isigalugit:

- Imarpik qulaallugut timmisartuusinerup nalornissutigineqartuarnera
- Imarpik qulaallugu timmisartunut mittarfimmud attavilunneq, unnuisariaqartarneq, piffissamik asiutitsineq, akit qaffasissut
- Angallannikkut ulikkaartooqasarnq, qulimiguullit angallassinnaassusiat amigartooq
- Kujataanut kujataaniillu immikkut neqerooruteqartoqartannginnera
- Nunaqarfinnut imaatigut angalasoqartannginnera umiarsuillu amigaataanerat – ukiuunerani imaatigut angallannermut aningaasanik kissaateqarpugut

- Nanortalup sinersortaatinik tikinneqartarunnaarnera
- Kiffartuussinnerup ajorseriaatai Air Greenland, RAL il.il

8) Kujataani angallannermut inuussutissarsiortuniit kissaatit v./ inuussutissarsiutinik oqallittarfiit siulittaasui Jim Riis aamma Ib Laursen

Saqqummiussisut kujataani illoqarfiit akornanni ataqatigiisaarnerusumik angallanneq pilersinneqartariaqartoq piumasaraat ammalu Nanortalik siunissami tikinneqartalertariaqartoq. Makkullu saqqummiussinermini kissaatigisatut saqqummiunneqarput:

1. Siunissami Narsarsuaq atajuassaaq.
2. Narsarsuarmiit danmark-kimut toqqaannartumik timmisartuussisarneq ingerlaanassaaq.
3. Qaqortumi mittarfeeqqamik pilersitsisoqassaaq.
4. Narsami Nanortalimmilu aamma mittarfeeqqanik pilersitsisoqassaaq.
5. Nanortalik talittarfittaasaaq
6. Narsami container-inut talittarfeeqassaaq.

9) Takornariartitsisartut Kujataani angallanneq pillugu kissaataat v. /Pitsi Høegh, Greenland Sagalands

Saqqummiussisup takornarissanut immakkut silaannakkullu angallassineq ataqatigiinerusumik Pitsaanerusumillu aaqqissugaanerusariaqarnerarpaa, silaannakkullu akigitinneqartut ukioq kaajallallugu assigiimmik ingerlanneqartariaqarsoraq.

Makkulu piumasagaatit/kissaatit aammalu aaqiivigineqartariaqartut taakartoqarneqarput:

- Bilitsit aasaanerani akikitsut
- Air Greenland suleqatigijuaannarneqassasoq
- Island-imiit angalatitsivik suleqatigineqartariaqartoq nunarsuup sinneranut ammasuummat
- Akit qaffasinneruisa takornarissat ikileriarneri, akit appasinnerusut
- Ukioq kaajallallugu bilitsinut akigitinneqartartut assigiitartariaqartut pitsaanerpaaq anguneqassappat
- Angalatitsivinniit ukiup tullissaanut pilersaarusiit amigaataasartut
- Air Iceland aamma Air Greenland angallassinermi tikiffissaat/aallarfissaat ataqatigiinerusumik aaqissuunneqartariaqarput unnuisqaattaarnerit pinngitsoorniarlugit
- Kommunimi takornariqarneq pillugu politikki amigaatigineqarpoq

10) Nunaqarfinniit Kujataani angallannermut kissaatit v/Lars Boassen.

Saarlumi, Eqalugaarsunni aamma Qassimiuni nunaqarfiit aqutsisuisa siulittaasuata Lars Boassenip “qanga” imaatigut angallannermi periarfissat pitsaasut ukiunilu makkunani amigaatit naatsumik oqaluttuarai. Aalaakaasumik nunaqarfiliartoqartarnissaa, pingaartumik ukiukkut, nunaqarfinniit kissaatigineqarpoq – ilisimaneqarporli taava attaveqalernissaaq – akilersinnaanersoq ilumut apeqquterujussuusoq. RAB angallatissai nutaat atorlugit ukiuni aggersuni ajornartorsiu tip aaqinneqarnissaa neriuutigineqarpoq.

11) 2010-2022 Kommunimut pilersaarut pillugu oqallissaarutini kommunimiit angallannermut siunnersuutit

v/ Arkitekt Birger Kristoffersen, Kommune Kujalleq

Kommune Kujallermut tamarmut pilersaarutissaq aallarnerlugu Kommune Kujalleq oqallisissiorpoq 2009-illu ukiaani tamanut ammasunik oqallitsitsisarliuni.

Oqallisissiaq kommunalbestyrelsip kommunimut pilersaarusiornermi periaasissatut saqqummiussaraa. Oqallisissiami ataatsimiititaliat suliassqarfiini anguniagaagallartut kiisalu apeqqutit assigiinngitsut saqqummiunneqarput.

Angallannermi anguniakkat makku saqqummiunneqarput:

- Angallasseriaatsit assigiinngitsut pingasut atorlugit illoqarfinni nunaqarfinnilu angallannikkut aqqissuussineq ineriartortissallugu imaatigut, nunakkut silaannakkullu angallassinikkut periarfissanik tapertaqartillugu.
- Nunap ilaani tamaani aalajangersimasumik imaatigut attaveqaatit tapersersussallugit inuit nassiussallu – imaluunniit ataatsimoortillugit.
- Illoqarfinni nunaqarfinnilu umiarsualiveqarfiit aserfallatsaalissallugit ineriartortillugillu, aalisarnikkut, usinik assartuinikkut, inunnik, tassungalu ilanngullugu takornarianik angallassinikkut sullissiveqarfittut.
- Aqqusernit ineriartortillugit, taamaalillutik Narsaq, Qaqortoq Narsarsuullu mittarfia siunissaq ungasinnerusoq eqqarsaatigalugu atassuserneqarlutik.
- Aqqusernit ingerlaarfiiillu ineriartortinnissaat, taamaalillutik nunaqarfiit savaateqarfiillu ajornanngiffiisigut atassuserneqarlutik.
- Kujataaniit imarpik qulaallugu timmisartumik toqqaannartumik attaveqaatit taakkunungalu kommunimi illoqarfinnit tamanit helikopterimik attaveqaatit qulakkiissallugit.
- Illoqarfinni pingasuusuni mittarfinnut/timmisartoqarfinnut/helikopterinut nunaminertat qulakkiissallugit.
- Illoqarfinni angallannikkut isumannaallisanneq annertusissallugu.

Oqallisissiamissaq angallanneq qanoq piujuuartitsineq aallaavigalugu ingerlanneqarsinnaanersoq apeqqutigineqarpoq kiisalu takornariartitsineq, inuussutissarsiutit ineriartornerat kiisalui illoqarfiit nunaqarfiillu suleqatigiinnerat eqqarsaatigalugit tunngavissat suut pilersinneqassanersut apeqqutigineqarpoq.

Kommunimut pilersaarusiornermi periaasissaq 2010-ip aallartinnerani akuersissutigineqartussatut naatosrsuutigineqarpoq kommunimullu pilersaarummut siunnersuut ntuaaq 2010-imi ukiakkut akuersissutigineqassasoq naatsorsuutigineqarluni.

12) Kujataani angallannerup uuttuusiorneqarnera.

v./ Angallannermut siunnersorti Jesper Nordskilde, COWI A/S

Siunnersuisarfik COWI A/S Attaveqaatinik Aqutsisoqarfinniit Assartuinnermut Isumalioqatigiissitanut sulisinneqarpoq nunatsinni angallannermut uuttuusioqqullugu ataatsimiititaliap nunatsinni angallannerup ilusaanik assigiinngitsunik naliliinermini atorsinnaasaanik.

Angallannermut uuttuut atorluigu angallannikkut aaqqiissutit assigiinngitsut pitsaaqqutaat ajoqutaallu qulaajarneqarsinnaapput, tamatumunnga ilanngullugit angallannerit assigiinngitsut

agguataarneri kiisalu aaqqiinerit assigiinngitsut aningaasatigut kingunissaat. Taamaammatt uuttuusiornikkut siunertaasoq tassaaavoq nunatisnni angallannikkut aaqqiissutissiornermi aalajangiinerit paasiuminarnerulersinneqarnissaat

Angallannerit suugaluit uuttuusiami suliarineqarsinnaapput. Assersuutit takutinneqartut timmisartut atorlugit angallannermut tunnganerupput, Nuummi Ilulissanilu mittarfiit tallineqarneri assersuutitut sammineqarlutik. Oqaatigineqarporli naatsorsuinerit tamakku umiarsuartigut angallannermut, aqqusinikkut angallannermut allaammi Jesper Nordskildep eqqaasaatut nalinginnaalluannngitsunut soorlu silaannakkut allunaasarsuaasatigut angallannermut tunngasut sammineqarsinnaasut. !

13) Angallanneq pillugu Isumasioqatigiinnermit eqikkaaneq ataatsimullu oqaaseqaatit:

1) Kujataata silarsuup sinneranut attaveqarnera – imarpik qulaallugu attaveqaatit, Island

- Kujataaniit imarpik qulaallugu toqqaanartumik attaveqarneq, ukioq kaajallallugu.
- Europap nunavittaanut/Amerikamut sapinngisamik aqqut toqqaanarnerpaat (immaqa Island aqqutigalugu)
- Imaprik qulaallugu angallannermut inuiaqatigiit akisussaanerat (sullissinissamik isumaqatigiissutit -
- imarpik qulaallugu ingerlasussanut eqqorlugit qulimiguullit angalanerat, ulloq ataaseq angalaneq
- Ungasissoq isigalugu aaqqiinerit

2) Mittarfiit, umiarsualiviit heliportit inissinneqarneri

- Nunap immikkoortuani mittarfik - Qaqortoq
- Nunap immikkoortuani umiarsualivik - Narsaq
- Nanortalimmi umiarsuliaviup allineqarnera
- Aqquserngit amerlisarneqarnerat

3) Kujataani angallanneq ataqatigiissoq –

- qulimiguullit atorlugit angallassisinnaassuseq pisariaqartitsinerit naapertuuttoq,
- imaatigut angallannermi ataatsimoorussineq: usit ilaasullu (nunaqarfinnut angallassineq)
- nunaqarfinnut/savaateqarfinnut angallassinerup aqqinneqarnera MASSAKKUT, usit ilaasullu,

- sinersortaat Nanortalimmut
- angallasseriaatsit assigiinngitsut ataqatigiissaarneqarnerat eqaallisarneqarnerallu
- najukkamiit aningaasaleeqataaneq – aningaasatigut akisussaassuseq - pingaarnersiunerit
- sullissinissamik isumaqatigiissutit sivisunerusumik atuuttut – aningaasaliinissamut periarfissaqarneq

4) Angallanneq takornariartitsinerlu – qanoq ataqatigiissut,

- billetsit akikitsut,
- utimut ingerlanerit atorluarneqarnerat,
- angalanerit akikillisakkat
- angallasseriaatsit assigiinngitsut ataqatigiissaarneqarnerat eqaallisarneqarnerallu

5) ALLAT

- Kujataa Assarsuinnermut Isumalioqatigiissitanut sunniuteqassaaq
- Kommuni angallannermut annerusumik akisussaaffeqarusuppoq (soorlu sullissinissamik isumaqatigiissutit)
- Qaninnerusoq ungasinnerusorlu isigalugit aaqqiissutissat immikkoortinneqassapput!

Trafiksekretariatet i Kommune Kujalleq
December 2009